

Musa, Rafidah sampaikan syarahan umum di UMS

KOTA KINABALU: Ketua Menteri Sabah Datuk Musa Aman dan Menteri Perdagangan Antarabangsa dan Industri Datuk Seri Rafidah Aziz akan menyampaikan syarahan umum di Universiti Malaysia Sabah (UMS) masing-masing pada Rabu dan Khamis ini.

Musa akan menyampaikan syarahan bertema "Memposisi Semula Sabah: Langkah dan Cabaran" pada pukul 8.30 pagi di Galeri Bangunan Canselori UMS.

Rafidah pula akan menyampaikan syarahan pada keesokan harinya bertajuk "Persediaan Malaysia Menghadapi Pertumbuhan Perdagangan Dunia" di Dewan Kuliah Perdana pada pukul 2 petang Khamis ini, kata UMS dalam satu kenyataan di sini.

"UMS dengan segala sukacitanya menjemput semua lapisan masyarakat di negeri ini untuk mendengar siri syarahan umum ipi yang terbuka kepada orang ramai," kata kenyataan itu.

Maklumat lanjut boleh diperolehi melalui Pusat Perhubungan Korporat dan Antarabangsa UMS di talian 088-320000 sambungan 1127 dan 165.



MS
MALAYSIA SABAH